

Calypso y Roadmarch dedica na "Brother Panthophlet"

ORANJESTAD (AAN): For di ASOMA, a ricibi e informe cu Brother Pantophlet ta e persona na cual e Calypso y Roadmarch

Contest di awenochi ta dedica na.

Brother Pantophlet a cuminza tuma lesnan di musica na aña

1954 cu Samuel Muller. Despues Brother a continua estudionan autodidactico cu resultadonan positivo y no solamente el a resulta di ta un bon trompetista, pero tambe areglista musical.

E prome banda cu Brother a toca aden tabata "Jovenes del Ritmo". Despues el a toca cu e.o. Estrellas Musical, Impacto Musical, Sensacion Musical cu tabata e top banda den su epoca.

Den ultimo decada Brother a integra den Musical Time cu a sali e Banda di Decada di Premio Mo Tito y Rufo Wever.

Brother Pantophlet a yega di toca cu musiconan grandi manera Sonny Yearwood, Eddy Bennett (q.e.p.d.), Papa Muller, Mario Bislick, y Alex Echi Odor.

Su idolonan ta Harry James, Dizzy Gillespie, Ray Anthony y Bobby Allée, etc.

Den e bon tempo di mambo, Brother tabata supla varios numeronan di Perez Prado. Su hobbynan ta gusta aregla pa diferente bandanan. Su areglo musical a yega di triunfa varios biaha den diferente contestnan.

Cantantenan cu a yega di gana cu su areglonan tabata Juancho Kock, Casin Giel, Claudius Phillips y mucho mas. Otro hobby grandi cu Brother tin ta e deporte di baseball.

Directiva di ASOMA y tur musiconan di Aruba ta felicita Brother Pantophlet cu e honor grandi aki.

Brother tin un conseho pa juventud: Desaroya bo talento, Aruba awor ta dispone di e maestronan y facilidadnan pa eherce musica na un manera optimal. Haci uso di esaki!